

ангосиохан бичин: бэрэкэндүэни ундэхэкэмбэ пачилаохан бичин, адоликан пойпиакто бичин. Усэвэ тэй ундэхэкэнчи хулбури, ундэхэкэн чаду пойпиарини, чаду адоликан мэнэ якчипогойни. Серёжа агдахани, энимби адоликамба ичэгуэни пагдиалахани. Энини ундини: „Купикэн улэн биэси. Хайгой си нечэкэмбэ гэлэйси? Хайгой си нечэкэмбэ эрулэгуй тайси?“ — „Ми нечэкэнсэлбэ, омогоачи ангора, нэучэдемби. Нёанчи чаду морадярал. Ми нёамбачи удидемби!“ Серёжа усэвэ бахани, ундэхэкэнчи хулкини, тотара адоликамби сададу нэхэни. Тотара нечэкэнсэл дондивачи халачими гойдами илисихани. Нечэнсэл-тэни нёандиани нгэлэчимэри, адоликанчи дондачичи. Серёжа сиун токон эримбэ дёкчий сиандагохани, адоликамби-тани чаду налагохани. Сиапи ходипи, ичэндэгухэни — адоликан дасикпигохани, адоликан пэгиэлэни нечэкэн сиасисини. Серёжа агдахани, нечэкэнгуи дяпагора, дёкчий пагдиалагохани. „Эне! Ичэру, ми нечэкэмбэ дяпахамби. Эй соловей, бидерэ! Миавани хэпуэр-хэпуэр эрсини.“ Энини ункини: „Эй чиж. Си нёамбани эди эрулэрэ, чиндагохаси осини, горо улэн бичин.“ — „Аба, ми нёамбани сиаванди, омиванди тадымби.“ Серёжа чижбэ омоканду нэхэни, дюэр инивэ нёани сиягоани усэвэ буктэхэни, муэвэ омигоани буктэхэни, омовани осичихани. Илия иниду нёани